

龔定盦全集

定盦續集

仁和龔自珍璣

己亥雜詩三百十五首

著書何似觀心賢不奈卮言夜湧泉百卷書成南渡歲先生續集再編年

我馬元黃盼日曛關河不窘故將軍百年心事歸平澹刪盡蛾眉惜誓文

罡風力大簸春魂虎豹沈沈臥九關終是落花心緒好平生默感玉皇恩

此去東山又北山鏡中強半尚紅顏白雲出處從無例獨往人間竟獨還

予不攜眷屬僦從雇兩車以一車自載一車載文集百卷出都

浩蕩離愁白日斜吟鞭東指卽天涯落紅不是無情物化作春泥更護花

亦曾曩筆侍 鑾坡午夜天風伴玉珂欲浣春衣仍護惜 乾

清門外露痕多

廉錫非關上帝才百年淬厲電光開先生宦後雄譚減悄向龍泉祝一回

太行一脈走蠅蛇莽莽畿西虎氣蹲送我搖鞭竟東去此山不

語看中原

別西山

翠微山在潭柘側此山有情慘難別辟荔風號誼士魂燕支土蝕佳人骨

別翠微山

進退雍容史上難忽收古淚出長安百年綦轍低徊徧忍亡空

桑二宿看

先大父宦京師家大人宦京師至小子三世百年矣以己亥歲四月二十三日出都

祖父頭銜舊頰光祠曹我亦試爲郎 君恩殷向漁樵說策畧

何須百字長

唐碑額有近百字者

寧故羅胸是 國恩小胥脫腕萬言存他年金鑽如蒐采來叩
空山夜雨門

出事公卿溯戊寅雲煙萬態馬蹄湮當年筮仕還嫌晚已哭同
朝三百人

積波難挽挽積心壯歲曾爲九牧箴鐘簴蒼涼行色晚狂言重
起廿年瘡

許身何必定夔皋簡要清通已足豪讀到羸劉傷骨事誤渠畢
竟是錐刀

棄婦丁甯囑小姑姑恩莫負百年劬米鹽種種家常語淚溼紅
裳未絕裾

有棄婦泣於路隅因書所見

金門縹緲廿年身悔向雲中露一鱗終古漢家狂執戟誰疑臣
朔是星辰

詞家從不覩知音累汝千回帶淚吟惹得而翁裏抱惡小橋獨立慘歸心

吾女阿辛書馮延巳詞三闋日日誦之自言能識此詞之指我竟不知也

卿籌爛熟我籌之我有忠言質幻師觀理自難觀勢易彈丸累

到十枚時

道旁見醫戲術者因贈

消息閒憑曲藝看攷工古字太叢殘五都黍尺無人校搶攘廊

間一飽難

過市肆有感

滿擬新桑徧冀州重來不見綠雲稠書生挾策成何濟付與維

南織女愁

曩陳北直種桑之策於畿輔大吏

車中三觀夕惕若七藏靈文電熠若懺摩重起耳提若三普賢

珠纍纍若

子持陀羅尼已滿四十九萬卷乃新定課程日誦普賢普門普眼之文

荒村有客抱蟲魚萬一譚經引到渠終勝秋燐亡姓氏沙渦門

外五尚書

逆旅夜聞讀書聲戲贈沙渦門卽廣渠門門外五里許有地名五尚書墳五尚書不知皆何許人也

誰肯栽培木一章黃泥亭子白茆堂新蒲新柳三年大便與兒

孫作屋梁

道旁風景如此

椎埋三輔飽于鷹薛下人家六萬增半與城門充校尉詎將斜
谷械陽陵

逝矣斑駁豈落花前村茆店卽吾家小橋報有人癡立淚潑春

帘一餅茶

出都日距

國門已

七里吳虹生同年立橋上候予

秀出天南筆一枝爲官風骨稱其詩野棠花落城隅晚各記春

驪戀鬪時

別石屏朱丹木同年饒丹木以引

見入都爲予治

不是逢人苦譽君亦狂亦俠亦溫文照人膽似秦時月送我情

如嶺上雲

別黃蓉石比部玉階蓉石番禺人

觥觥益陽風骨奇壯年自定千首詩勇於自信故英絕勝彼優

孟俯仰爲

別湯滄秋戶部鵬

事事相同古所難如鵝如鰈在長安自今兩戒河山外各逮而
孫盟不寒光州吳虹生葆晉與予戊寅同年己丑同年同出清
苑王公門殿上試同不及格同官內閣同改外同日
還原官

本朝閩學自有派文字醺醺多古情新識晉江陳戶部談經頗
似李文貞別陳頌南戶部慶鏞

何郎才調本學生不據文家爲弟兄嗜好畢同星命異大郎尤
貴二郎清別道州何子貞紹基子毅紹業兄弟近世學生皆

少慕顏曾管樂非胸中海嶽夢中飛近來不信長安隘城曲深
藏此布衣別會稽少白山人潘諮

龍猛當年入海初娑婆會否有倉佉祇今曠劫重生後尙識人
間七體書別鎮國公容齋居士居土膚親王子名裕恩好讀內
典徧識額納特珂克西藏西洋蒙古回部及滿漢字
又校定全藏凡經有新舊數譯者皆訪得之或校歸一是或兩
存之或三存之自釋典入震旦以來未曾有也

卯角春明入塾年
丈人摩我道蘄然
恍從魏晉紛紜後
爲溯黃農浩渺前
別大典周丈之彥

多君嬾雅數論心
文字緣同骨肉深
別有樽前揮涕語
英雄遲暮感黃金
別王秋晚大令繼蘭秋晚濟甯人

三十華年四牡駢
每談宦轍壯褰飛
尊前第一傾心聽
兜甲樓船海外歸
別直隸布政使同年托公公名托輝布蒙古人

五十一人皆好我
八公送別益情親
他年臥聽除書罷
冉冉修名獨愴神
別南豐劉君良駒南海桂君文耀河南丁君彥傳雲南戴君綢孫長白奎君綬閩黃君驥雲江君鴻升東

強步君際桐時已丑同年留京五十一人恩恩難徧別八君及握手一爲別者也吳虹生已見前

朝借一經覆以簪
幕還一經龕已燈
龍華相見再相謝
借經功德龍泉僧
別龍泉寺僧唯一唯一施南人

北方學者君第一
江左所聞君畢聞
士厚水深詞氣重
煩君他

日定吾文

別許印林孝廉瀚印林日照人

子雲識字似相如記得前年隔巷居忙殺奚僮傳搗本一行翠
墨一封書

別吳子苾太守式券子苾海豐人

夾袋搜羅海內空人材畢竟恃宗工笥河寂寂覃谿死此席今
時定屬公

別徐星伯前輩松星伯大興人

聯步朝天笑語馨佩聲耳畔尙泠泠遙知下界覘乾象此夕銀
潢少客星

別共事諸宗室

霜豪擲罷倚天寒任乞淋漓淡墨看何敢自矜醫國手藥方只
販古時丹

已丑殿試大指祖王荆公上仁宗皇帝書

眼前二萬里風雷飛出胸中不費才枉破期門飲飛膽至今駭
道遇仙同

記已丑四月二十八日事

彤墀小立綴鵷鸞金碧初陽當書看一隊飲飛爭識我健兒身

手此文官

終賈華年氣不平官書許讀興縱橫荷衣便識西華路至兄蟲
魚了一生嘉慶王申歲校書始武英殿是平生爲校讐之學之

萬事源頭必正名非同綜核漢公卿時流不沮狂生議側立東
華佇佩聲官內閣日上書大學士乞到閣看本

東華飛辯少年時伐鼓撞鐘海內知牘尾但書臣向校頭銜不
稱弼其詞在國史館日上書總裁諭西北塞外部落原流中川形勢訂一統志之疏漏初五千言或曰非所職也乃上二千言

千言只作卑之論敢以虛懷測上公若問漢朝諸配享少中乞
附叔孫通在禮部上書堂上官論四司政體宜沿宜革者二十七言

客星爛爛照天潢許署頭銜著亡郎翠墨未乾仙宇蝕雲煙半
榻掖門旁官宗人府奉旨充玉牒館纂修官予草初章程未竟其事改官去

齒如編貝漢東方不學呶呶况對揚屋瓦自驚 天自笑 丹

毫圓折露華懷予每侍班引見奏履歷同官或代予懷息丁酉春京察一等引見蒙記名

半生中外小迴翔醜醜成戀太陽揮手唐朝入司馬頭銜老

署退鋒郎選授楚中一司馬矣不就供職祠曹如故

科以人重科益重人以科傳人可知 本朝七十九科矣蒐輯

科名意在斯入歲得舊登科錄讀之是蒐輯二百年科名掌故之始

手校斜方百葉圖官書似此古今無祇今絕學真成絕冊府蒼

涼六幕孤程大理同文修會典其理藩院一門及青海西藏各圖屬予校理是為天地東西南北之學之始大理段

子撰蒙古圖志竟不成

孔壁微芒墜緒窮笙歌絳帳啟宗風至今守定東京本兩廡如

何闕馬融戊子歲成尚書序大義一卷太舊答問一卷尚書馬氏家法一卷

姬周史統太銷沈况復炎劉古學瘡咽起有人扶左氏千秋功

罪總劉歆

癸巳歲成左氏春秋服杜補義一卷其劉歆竄益左氏顯然有迹者爲左氏決疣一卷

張杜西京說外家斯文吾述段金沙導河積石歸東海一字源

流莫萬譚

年十有二外王父金壇段先生授以許氏部目是平生以經說字以字說經之始

端門受命有雲初一脈微言我敬承宿草敢祀劉禮部東南絕

學在毘陵

年二十有八始遇武進劉申受受公羊春秋近歲成春秋決事比六卷劉先生卒十年矣

華年心力九分殫淚漬鱗魚死不乾此事千秋無我席毅然一

炬爲歸安

抱功令文二千篇見歸安姚先生學塙先生初獎借之忽正色曰我文著墨不著筆汝文筆墨兼用乃自

燒功令文

軒后孤虛縱莫尋漢官戊己兩言深著書不爲丹鉛誤中有風

雷老將心

訂裝駟史記集解之誤爲孤虛表一卷古今用兵孤虛圖說一卷

古人製字鬼夜泣後人識字百憂集我不畏鬼復不憂靈文夜

補秋燈碧

嘗恨許叔重見古文少據商周彝器秘文說其形義補說文一百四十七字戊戌四月書成

經有家法夙所重詩無達詁獨不用我心卽是四始心沈參再

發姬公夢

爲詩非序非毛非鄭各一卷予說詩以涵泳經文爲主於古文毛今文三家無所尊無所廢

熙朝仕版快茹征五倍金元十倍明揚扈千秋儒者事漢官儀

後一書成

年十四始考古今官制近成漢官損益上下二篇百王易從論一篇以竟暑年之志

文侯端冕聽高歌少作精嚴故不磨詩漸凡庸人可想側身天

地我蹉跎

詩編年始嘉慶丙寅終道光戊戌勒成二十七卷

西京別火位非高溥有遺聞瑣且勞只算粗諳鏡背字敢陳法

物詁球刀

爲典客道古錄奉常道古錄各一卷

十仞書倉鬱且深爲娉目錄散黃金吳回一怒知天意無復龍

威禹穴心

年十六讀四庫提要足平生爲目錄之學之始壬午歲不戒於火所蒐羅七閣水收之書燼者什八九

北游不至獨石口東游不至盧龍關此記游耳非著作馬蹄蹠

下書生屨

東至永平境北至宣化境實未覩東北兩邊形勢也爲紀游合一卷

吾祖平生好孟堅丹黃鄭重萬珠圓不材竊比劉公是請肄班

香再十年

伯公批校漢書家藏凡六七通又有手抄本

先祖抱

麟經斷爛炎劉始幸有蘭臺聚秘文解道何休遜班固眼前同

志只朱雪

癸巳歲成西漢君臣解春秋之義考一卷助予整齊之者同縣朱孝廉以升

剔彼高山大川字簿我玉篋金扁中從此九州不光怪羽陵夜

色春熊熊

年十七見石鼓是收石刻之始撰金石通考五十四卷分存佚未見三門書未成成羽璫山金石墨本記

五卷郭璞云羽陵即羽璫也

少年簿錄睨千秋過目雲煙浩不收一任湯湯淪泗水九金萬

禩屬成周

撰羽璫之山典寶記二卷

奇氣一縱不可闔此是借瑣耗奇法奇則耗矣瑣未休眼前臚

列成五嶽

為鏡苑一卷瓦韻一卷輯官印九十方為漢官拾遺一卷泉文記一卷

登乙科則亡姓氏官七品則亡姓氏夜奠三十九布衣秋燈忽

吐蒼虹氣

撰布衣傳

一卷起康熙迄嘉慶凡三十九人

不能古雅不幽靈氣體難躋作者庭悔殺流傳遺下女自障純

扇過旗亭

年十九始倚聲填詞王午歲勅爲六卷今頗悔存之

文章合有老波瀾莫作郗陽夾際看五十年中言定諛蒼茫六

合此微官

庚辰歲爲西域置行省議東南罷番舶議兩篇有謀合槩之者

厚重虛襲見古風車禍五度照門東我焚文字公焚疏補紀交

情爲紀公

王辰夏大旱上求直言大學上蒙古富公俊五度訪之子手陳當世急務八條公讀至汰冗濫條勸

色以爲難行餘頗欣賞予不存於集中

狂禪闢盡禮天台掉臂琉璃屏上回不是瓶笙花影夕鳩摩枉

譯此經來

丁酉九月二十三夜不寐聞茶沸聲披衣起菊影在屏忽證法華三昧

手捫千軸古琅玕篤信男兒識字難悔向侯王作賓客甘篇鴻

烈贈劉安

某布政欲撰吉金款識屬予爲之予爲聚拓本穿穴羣經極談古籀形義爲書十二卷俄布政書來請絕

交書藏何子貞家

夜思師友淚滂沱光影猶存急網羅言行較詳官閱畧報恩如此疚心多

近撰平生師友小記百六十一則

歷劫如何報佛恩塵塵文字以爲門遙知法會靈山在八部天龍禮我言

佛書入震旦以後校讐者希乃爲龍藏考證七卷又以妙法蓮華經爲北涼宮中所亂乃重定目次分本

迹二部刪七品存廿一品丁酉春勒成

龍樹靈根派別二家家柳栗不能擔我書喚作三極記六祖天台共一龕

近日述天台家言爲三普銷文記七卷又撰龍樹三極記

只簞一纜十夫多細算千艘渡此何我亦曾糜太倉粟夜聞邪許淚滂沱

五月十二日抵淮浦作

白面儒冠已問津生涯只羨五侯賓蕭蕭黃葉空村畔可有攤書閉戶人

津梁條約徧南東誰遣藏春深鳴逢不枉人呼蓮幕客碧紗幪
護阿芙蓉

阿讀如人病之病出續本草

鬼燈隊隊散秋螢落魄參軍淚眼哭何不專城花縣去春眠寒
食未曾醒

故人橫海拜將軍側立南天未藏勛我有陰符三百字蠟丸難
寄惜雄文

河干勞問又江干恩怨他時邸報看怪道烏臺牙放早幾人怒
馬出長安

學羿居然有羿風千秋何可議逢蒙絕憐羿道無消息弟一親
鸞射羿弓

過百由旬煙水長釋迦老子怨津梁聲聞閉眼三千劫悔慕人
天大法王

北俊南癡氣不同，少能笑殺老能聰。可知銷盡勞生骨，卽在方言兩卷中。

凡驛卒謂子燕人也。凡舟子謂子吳人也。其有聚而

不容水部賦清愁，新擁牙旗拜列侯。我替梅花深頌禱，明年何遜守揚州。

同任何亦民俊時以知府銜駐黃河

金鑾竝視走龍蛇，無分同探閭苑花。十一年來春夢冷，南游且

喫玉川茶。

同年廬心農元良時知三泉

黃金脫手贈椎埋，屠狗無惊百計非。僥倖故人仍滿眼，猖狂乞食過江淮。

過江淮間不困厄何亦口廬心農雨君力也

大宙南東久未寥，甄陀羅出一枝簫。簫聲客與渡淮去，淮上魂須七日招。

袁浦席上有限韻賦詩者得簫字敬賦三首

少年擊劒更吹簫，劒氣簫心一例消。誰分蒼涼歸擢後，萬千哀曲是明朝。

天花拂袂著難消始媿聲聞力未超青史他年煩點染定公四

紀遇霸簫人名

一言恩重降雲霄塵劫成塵感不銷木兔初禪怯花影夢回持

偈謝霸簫翌晨報謝一首

能令公愜公復喜揚州女兒名小雲初弦相見上弦別不曾題

滿杏黃裙

坐我三熏三沐之懸厓撒手別喇時一不留後約將人誤笑指河

陽鏡裏絲

美人才調信縱橫我亦當筵拜盛名一笑勸君輸一著非將此

骨媚公卿友人訪小雲於揚州三至不得見愜矣風之

網羅文獻吾勸矣選色譚空結習存江淮狂生知我者綠牋百

字銘其言讀某生與友人書則書其後依

附錄某生與友人書

某祠部辨若懸河可拒之隙甚多勿爲所惱其人新倦仕宦牢落歸恐非復有網羅文獻蒐鬼輯人才之盛心也所至通都大邑雜賓滿戶則依然渠二十年前承平公子故態其客導之出游不爲花月冶游卽訪僧耳不訪某輩某亦斷斷不繼見某頓首

梨園鬬本募誰修亦是風花一代愁我替尊前深惋惜文人珠玉女兒喉

元人百種臨川四種悉遭伶師竄改崑曲俚鄙極矣酒座中有徵歌者予輒撓阻

河汾房杜有人疑名位千秋處土卑一事平生無齟齬但開風氣不爲師

予生平不蓄門弟子

生還重喜酹金焦江上騷魂亦可招隔岸故人如未死清樽讀

曲是明朝

西來白浪打旌旗萬舶安危總未知
寄語瞿塘灘上賈收帆好趁順風時

少年攬轡澄情意倦矣應憐縮手時
今日不揮閒涕淚渡江只怨別蛾眉

六月十五別甘泉是夕丹徒風打船
風定月出半江白江上女郎眠木眠

四海流傳百軸琴皤皤國老尙神完
談經忘却三公貴只以先秦伏勝看

重見

予告大學士阮公於揚州

蜀岡一老抱哀弦閱盡詞場意惘然
絕似琵琶天寶後江南重遇李龜年

重晤秦敦夫編修恩復

家公舊治我曾遊只曉梅邨與鳳洲
收拾遺聞浩無涖東南一部小陽秋

太倉邵子顯輯太倉先哲叢書八帙起南宋迄乾隆中使予序之

七里虹橋腐草腥歌鐘詞賦兩漂零不隨天市爲消長文字光

芒聚德星

時上元蘭君大倉邵君爲揚州廣文魏默深舍人陳靜菴博士僑揚州又晤秦玉笙謝夢漁劉楚植劉孟

瞻四孝廉楊季子都尉

公子有德宜置諸有德公子毋忘諸我方乞糴忽誦此箴詔磊落肝脾虛

詩人瓶水與謨觴鬱怒清深兩擅場如此高材勝高第頭銜追

贈薄三唐

鬱怒橫逸舒鐵雲瓶水齋之詩也清深淵雅彭甘亭小謨觴館之詩也兩君死皆一紀矣

荷衣說藝關心兵前輩須眉照坐清收拾遭聞歸一派百年終

侍小門生

少時所交多老蒼於乾隆庚戌榜過從最親厚坎則嘉慶己未多談薏之土兩利皆大興朱文正爲總裁

官

中年才子耽絲竹儉歲高人厭薜蘿雨種情襄俱可諒陽秋貶筆未宜多

姬姜古汝不如市趙女輕盈躡銳屣侯王宗廟求元妃綴音豈
在纖厥趾偶感

麟趾褭蹄式可尋何須番舶獻其琛漢家平準書難續曰仿齊

梁鑄併金

近世行用番錢以爲攜挾便也不知中國自有餞金見南史褚彥回傳又見唐韓偓詩

亡賦會聞紙貴夸誰令此紙徧京華不行官鈔行私鈔名目何
人餉史家

促柱危弦大覺孤琴邊倦眼眊平蕪香蘭自判前因誤生不當
門也被糊

荒青無縫種交加月費牛溲定幾車只是瑒師消遣法不求秋
實不看花

所做寓有治圃者戲贈

六朝古黛夢中橫無福秦淮放棹行想見鍾山兩才子詞鋒落
月亘縱橫

欲如江南不果亦不得馬洲帆戶部馮晉漁比部南

同年消息

不論鹽鐵不籌河獨倚東南涕淚多國賦三升民一斗屠牛那
不勝栽禾

殘客津梁握手歛多君鄭重問烏衣故家白怨風流歇肯罵無
情燕子飛重暗段君果行沈君錫東於逆旅執手言裏兩君家大人舊賓客也

九州生氣恃風雷萬馬齊瘖究可哀我勸天公重抖擞不拘一
格降人材過鎮江見賽玉皇及風神雷神者禱祠薦數道士乞撰青詞

不容兒輩妄譚兵鎮物何妨一矯情別有狂言譏時望東山妓
卽是蒼生

漢代神仙玉亡堂六朝文苑李男香過江子弟傾風采放學歸
來祀衛郎

黃河女直徙南東金明昌元年我道神功勝禹功安用迂儒談故道
犂然天地劃民風渡黃河而南天異色地異氣民異情

陶潛詩喜說荆軻想見停雲發浩歌吟到恩仇心事湧江湖俠骨恐無多

舟中讀陶詩三首

陶潛酷似臥龍豪

語意本辛棄疾

萬古潯陽松菊高莫信詩人竟平澹

二分梁甫一分騷

陶潛磊落性情溫冥報因地一飯恩頗覺少陵詩吻薄但言朝叩富兒門

江左晨星一炬存魚龍光怪百千吞迢迢望氣中原夜又有湛

盧劍倚門

江陰見李申者文蔣丹棲茂才丹棲申者之門人也

過江藉甚顏光祿又亡山中老樹看賴是元龍樓百尺雄譚夜半斗牛寒

陳登之別駕坐上重晤盛午洲光祿

五十一人忽少三我聞隕涕江之南篋中都有舊墨迹從此雙

以玫瑰國

間都中秋肅軒侍御蘇賓嶋吏部夏一卿吏部三同年忽然同遊

偶賦凌雲偶倦飛偶然開幕遂初衣偶逢錦瑟佳人問便說尋春爲汝歸

萬卷書生颯爽來夢中喜極故人回湖山曠劫三吳地何日重

生此霸才

夢顧千里有亡憶已丑歲與君書訂五年相見君報書云敢不忍死以待子竟爽約君以甲午春死矣

故人有子尙饘粥抱君等身大箸已劉向而後此大宗豈同陳

晁競目錄

千里著思適齋筆記校定六籍百家認其文字且生陳晁後七百載目錄方駕陳晁亦足豪矣嗣君守父

書京師傳聞誤也

今日閒愁爲洞庭茶花凝想吐芳馨山人生死無消息夢斷查

灣一角青

擬尋洞庭山舊游不果亦不得葉山人和消息

王立長身宋廣文長洲重到忽思君遙憐屈賈英靈地樸學奇

材張一軍

奉襄宋于庭丈亡于庭投老得楚南一令奇才樸學二十年前日君語今無以易也

太湖七十悽爲墟三泖圓斜各有初恥與蛟龍競升斗一編聊

獻郊僑書

陳吳中水利策于同年裕魯山布政子南宋人父子皆著三吳水利書

郊僑郊貢之

鐵師講經門徑

鐵師念佛頗得力似師畢竟勝狂禪師今遲

我蓮花國

江鐵君沅是子學佛第一導師先子歸一年逝矣干劫無以酬德視其疾生淨土

少年哀艷雜雄奇

暮氣殫唐不自知哭過支硎山下路重鈔梅

冶一匳詩

舅氏段右白葬支硎山平生詩晚年自塗乙盡子尙抱其梅冶軒集一卷

溫良阿者淚漣漣

能說吾家六十年見面恍疑悲母在報恩祝

汝後昆賢

金媼者嘗保抱子者也重見于吳中年八十有七阿者出禮記內則今本誤爲可者悲母出本生心地

觀經

天教搏机降家門

骨月荆榛不可論賴是本支調護力若敖不

餒怙深恩

到秀水縣重見七叔父也

徑山一紙吼震中

野燒蒼涼弔達公何處復求龍象力金光明

照浙西東

明紫柏大師刻大藏板在徑山康熙中由徑山遷嘉興之楞嚴寺今什不存四矣求天白宗各書印本亦

無所得

有明像法披猖後荷擔如來兩尊宿龍樹馬鳴齊現身我聞大

地師子吼

拜紫柏藕益兩大師像

道場醺醕雨天長水宗風在目前一任揀機參活句莫將文字換狂禪

示楞嚴講主逸雲講主新刻明人楞嚴宗通一書故云

一脈靈長四葉貂談經門祚鬱岩堯儒林幾見傳苗裔此福高

郵冠

本朝

訪嘉興大守王子仁子仁文肅公會孫石隴孫吾師文簡公子

祇將媿汗溼萊衣悔極堂堂歲月違世事滄桑心事定此生一

跌莫全非

於七月久矣

初九到杭州家大人時年七十有三倚門望

里門風俗尙敦龐年少爭爲齒德降桑梓溫恭名教始天涯何

處不家江

家大人扶杖出游里少年皆起立

小別湖山劫外天生還如證第三禪台宗悟後無來去人道蒼

茫十四年

浙東雖秀太清孱北地雄奇或獷頑踏徧中華窺兩戒無雙畢
竟是家山

親朋歲月各蕭閒情語纏綿禮數刪洗盡東華塵土石一秋十
日九湖山

高秋那得吳虹生乘輅西子湖邊行一邨一壑我前導重語京
華送我情

時已知浙中雨使者消息非吳虹生也祝其他日使車蒞止耳

除卻虹生憶黃子曝衣忽見黃羅衫文章風誼細評度嶺南何
減江之南

謂蓉石比部

家住錢唐四百春匪將門閥傲江濱一州典故閒徵徧撰杖觀
濤得幾人

八月十八日侍家大人觀潮

問我清游何日最木樨風外等秋潮忽有故人心上過乃是虹

生與子滿

吳虹生及固始蔣子滿孝廉也

靈鷲高華夜吐雲山凹指點舊家墳千秋名教吾誰媿媿讀義

之誓墓文

表弟吳鷲雲先世丙舍在靈鷲下繪圖乞一詩時子不至先慈殯宮十四年矣

鄉國論文集古歡幽人三五薜蘿看從知闔苑桃花色不及谿

松耐歲寒

晤曹葛民攜徐問遠楸王雅臺熊吉陳覺菴春曉諸君

眼前石屋著書象三世十方齊現身各搦著書一坡筆各有洞

天石屋春

葛民以畫象乞題爲說假觀偈

如何叅假入空法君亦莫問我莫答若有自性互不成互不成

者誰佛刹

爲西湖僧講華嚴一品竟又說此偈

振綺堂中萬軸書乾嘉九野有誰如季方玉粹元方死握手城

東同蠹魚

汪小米舍人死矣見其哲弟又材員外

與吾同禮硯北者

先曾祖晚號硯北老人

仁愿如兄壯歲亡從此與誰談

古處馬嬰巷外立斜陽

弟從兄竹樓

譚譚諸老愜瞻依父齒隨行亦未稀各有清名聞海內春來各

自典朝衣

時鄉先輩在籍科目年齒與家大人頗類者五人姚亮甫陳堅木兩侍郎張雲集離使張靜軒胡書農兩

學士

我言送客非佛事師言不送非佛智雙照送是不送是金光大

地喬松寺

重見慈風法師于喬松庵叩以台宗疑義聲不荅送予至山門予辭師正色曰是佛法

實且狂禪沸不支一燈慧命續如絲靈山未歇宗風歇已過麗

家日晝時

錢公庵居士死矣得其晚年所著宗望二卷

曩向眞州訂古文飛龍傍熹折紛紜經生家法從來異拓本饒

餽且餉君

在京師阮芸臺師屬爲齊侯中驛二壺釋文茲吾師貲六舟僧手拓精本分寄徐問遠屬別釋一通因東

問遠

司門三日了何事題圖祝壽諛人詩雙文單筆記序偈筆禿幸

趁酒熟時

礪之道義拯之難賞我出處好我書史公副墨問誰氏屈指首
寄虬髯吳欲以全集一分寄虬生未寫竟

少年哀樂過于人歌泣無端字字真既壯周旋維癡黠童心來
復夢中身

獬豸獬豸厲牙齒求覆我祖十世祀我請于帝祖于鬼亞駝巫
陽泣雞豕

畫夢亞駝告有熹明年三月獬豸死大神羹臬殄臬子焚香敬
慰少昊氏

碧澗重來薦一毛杉栟喜比往時高故人地下仍相護驅逐狐

狸賴爾曹

弔宋大發洪士華二人爲先祖守塋者也先母殯官
在先祖側地名花園埂也

志乘英靈瑣屑求豈其落筆定陽秋百年子姓殷勤意忍說挑

鐙為應酬

乞雷墨數行為異日相思之資者填委牖戶惟撰次先世事行屬為家傳墓表則詳審為之多存棄者

瓊林何不積繒泉物自低昂人自便我與徐公籌到此朱提山

竭亦無權

近日銀貴有司苦之古人粟紅貫朽是公庫不必皆納繼也予持論如此徐鐵孫大令榮論與予合

狙膾飛沈竹月喧侍郎十日做清尊東南不可無斯樂濡筆親

題第四園

過嚴小農侍郎富春山館觴咏旬日其地為明金尚書別墅杭人猶稱金衙莊予品題天下名園金衙莊

居第四

藏書藏帖雨高人目錄流傳四十春師友凋徂心力倦羽琤一

記亦荆榛

弔趙晉齋魏何夢華元錫兩處士兩君為予譚正金石墨本記者也

兒談梵夾婢談兵消息都防父老驚賴是搖鞭吟好句流傳鄉

里只詩名

到家之日早有傳誦予出都畱別詩者時有詩先人到之謠

吳郎與我不相識我識吳郎拂畫看此外若容添一語舍元殿

裏覓長安

從妹粵生與予昔別時才髫齡今已寡矣妹壻吳郎余固未識面也粵生以其遺像乞題因說此偈

科名掌故百年知海島
疇人奉大師如此奇材終一令
蠹魚零落我歸時

用黎見由同年應南見山順德人官平陽令卒于杭州

惠逆同門復同藪
謀臧不臧視朋友
我茲怛然謀乃心
君已嗇然脫諸口

陳碩甫秀才與爲子規畫北行事明白犀利足徵良友之愛

秋風張翰計蹉跎
紅豆年年擲逝波
誤我歸期知幾許
蟾圓十一度無多

以下十有六首杭州有所追悼而亡

拊心消息過江淮
紅淚淋浪避客揩
千古知言漢武帝
人難再得始爲佳

小樓青對鳳皇山
山影低徊黛影間
今日當牕一匳鏡
空王來證鬢絲斑

嬌小溫柔播六親
蘭姨瓊姊各霑巾
九泉肯受狂生譽
藝是鍼神貌洛神

阿孃重見話遺徽病骨前秋盼我歸欲寄無因今補贈汗巾鈔
袋枕頭衣

雲英未嫁損華年心緒曾憑阿母傳償得三生幽怨否許儂親
對玉棺眠

杭州風俗鬧蘭盆綠蠟金爐梵唱繁我說天台三字偈勝孃膜
拜禮沙門

殘絨堆積繡牕閒慧婢商量贈指環但乞崔徽遺像去重摹一
燈供秋山

昔年詩卷駐精魂強續狂游拭涕痕拉得藕花衫子婢簪輿仍
出湧金門

蟠夔小印鏤珊瑚小字高華出漢書原是狂生漫題贈六朝碑
側合鐫無

花神祠與水仙祠欲訂源流媿未知但向西泠添石刻駢文撰
出女郎碑

小婢口齒蠻復蠻秋衫紅淚潛復潛眉痕約畧彎復彎婢如夫
人難復難

女兒魂魄完復完湖山秀氣還復還爐香瓶卉殘復殘他生重
見艱復艱

天將何福子蛾眉生死湖山全盛時冰雪無痕靈氣杳女仙不
賦降壇詩

一十三度谿花紅一百八下西谿鐘卿家滄桑卿命短渠儂不
關關我儂

一百八下西谿鐘一十三度谿花紅是恩是怨無性相冥祥記
裏魂朦朧

草初江東署羽陵異書奇石小峻嶒十年松竹誰畱守南渡飛

揚是中興

復墅

墅東修竹欲連天苦費西鄰買笱錢此是商軼墾士令不同鑿

空誤開邊

拓墅

靈簫合時此靈山意思精微窈窕問郎壑無雙人地稱我無拙

筆到眉彎

軟墅

此是春秋據亂作昇平太平視松竹何以功成文致之攜簫飛

上羽琤閣

又斬墅

料理空山頗費才文心兼似畫家來矮茶密緻高松獨記取先

生親手栽

君家先塋鄧尉側佳木生之雜紺碧不看人間頃刻花他年管

領風雲色

從西鄰徐屏山乞樹栽屏山允至鄧尉求之

可惜南天無此花腰身畧似海棠斜難忘槐市街南宅小延羣

芳稿一車

憶京師之校花

可惜南天無此花雨情還比牡丹奢難忘西掖歸來早贈與妝

臺滿鏡霞

憶京師芍藥

不是南天無此花北肥南瘦二分差願移北地燕支社來問南

油壁車

憶海棠

綉冠尋芳數歲華玲瓏萬玉婢交加難忘細雨紅泥寺溼透春

裘倚此花

憶丁香

女牆百雉亂紅酣遺愛真同召伯甘記得花陰文譙屢十年春

夢寺門南

憶豐宜門外花之寺董文恭公手植之海棠一首

空山徙倚倦游身夢見城西閬苑春一騎傳賤朱邱晚臨風遞

與縞衣人

憶宣武門內太平湖之丁香花一首

繾綣依人慧有餘長安俊物最推渠故侯門第歌鐘歇猶辦晨

餐二寸魚

北師子貓

萬緣無人嘒一蟬三層閣子俯秋煙安排寫集三千卷料理看

山五十年

欲寫全集清本數十分分貯友朋家

海西別墅吾息壤羽琤千重拾級上明年俯看千樹梅飄飄亦是天際想

此閣宜供天人師檀香三尺博士爲阮公施香孰施字徐公字

似蕭梁碑

造佛像之匠謂之博士出摩利支天經

子供天台

青楹聯曰智周萬物而無所思言滿天下而未嘗議

男兒解讀韓愈詩女兒好讀姜夔詞一家倘許圓鷗夢畫課男

兒夜女兒

時省屬尙畱滯北方亦仿之

近人郭頻伽蜚鷗夢圓圖子

倘容我老牛耨邊不娶公卿寄俸錢一事避君君匿笑劉郎才

氣亦求田

儉歲有大田六畝者予願得之友人來問此事

瑰癖消沈結習虛一篇典寶古文無金鑑出土苔花碧又照徐

陵讀漢書

堯上徐文臺得漢宮雁足鐙以拓本見寄乞一詩是時予收藏古言金星散見于羽琴山典定記者百存

一一

迴腸盪氣感精靈座客蒼涼酒半醒自別吳郎高詠滅珊瑚擊

碎有誰聽

翼在虹生坐上酒半詠宋人詞鳴鳴然虹生賞之以爲善于頓挫也近日中酒即不能高詠矣

隨身百軸字平安身世無如屠釣寬恥學趙家臣宰例歸來香

火乞祠官

何因周妻業竝深白宗古轍幸窺尋偷閒頗異凡夫法流水池

塘一觀心

皇初任土乃臣貢卅七畝山可材衆媼神笑予無貧法丹徒陸

生言可用

吾友陸君獻著種樹書大指言天下之大利必在土貨殖乃貨植也有土十畝即無貧法昔年曾序之

西牆枯樹態縱橫奇古全憑一臂撐烈士暮年宜學道江關詞賦笑蘭成羽琤之西有枯棗一株不忍斧去

秋光媚客似春光重九尊前艸樹香可記前年寶戰寺西山暮雨怨吳郎丁酉重九與徐星伯前輩吳虹生同年連騎遊西山之寶藏寺歸鞍不雨重九前三夕此詩閣筆而雨

似笑山人不到家爭將晚節盡情夸三秋不實夫容月九月猶開窅窕花弓徐錯音乎感切

藁蕝生兒芥有孫借蘇句雕披秋霞委黃昏青松心事成無賴只

閱前山野燒痕

銀燭秋堂獨聽心隔簾誰報雨沈沈明朝不許沿谿賞已沒谿橋一尺深

空觀假觀第一觀佛言世諦不可亂人生死有去來今臥聽簷

花落秋半

賸水殘山意度深平生幾緡展難尋栽花鄭重看花約此是劉

郎遲暮心

復墅拓墅斷墅了吾將北矣乃圖南無妻怕學林逋獨有子肯
料理別墅稍露厓畧將自往北方迎眷屬歸以實之

從今誓學六朝書不肄山陰肆隱居萬古焦山一痕石飛昇有
術此權輿
涇縣包胥伯贈子瘞鶴銘九月十一日坐雨于羽琕

二王只合爲奴僕何況唐碑八百通欲與此銘分浩逸北朝差

許鄭文公

再跋舊拓瘞鶴銘

謂北魏兗州刺史

九流觸手緒縱橫極動當筵炳燭情若使魯戈真在手斜陽只

乞照書城

詩識吾生信有之預憐夜雨閉門時三更忽軫哀鴻思九月無

襦淮水湄

出都時有空山夜雨之句今果應今秋自淮以南千里苦雨

燕蘭識字尙聰明難遣當筵遲暮情且莫空山聽雨去有人花

底祝長生

連霄燈火譙秋堂絕色秋花各斷腸又被北山猿鶴笑五更濃

掛一帆霜

于九月十五日晨發矣

美人信有錯刀投不負張衡詠四愁燕罷心香屢迴顧古時明

月照杭州

阻風無酒倍消魂況是殘秋岸柳髡賴有阿咸情話好一帆冷

雨過婁門

從子劬塘送我于蘇州

杭州梅舌酸復甜有筍名曰虎爪尖筆以蘇州小檣欖可敵北

方冬菰醃

杭人攜梅子雜薑桂糟之名曰梅舌兒

擬策孤筇避冶遊上方一壟俯清秋太湖夜照山靈影頑福甘

閒領右軍

道韞談鋒不落詮耳根何福受清圓自知語乏煙霞氣枉負才
名三十年

喜汝文無一筆平墮儂五里霧中行悲歡離合本如此錯怨蛾
眉解用兵

美人才地太玲瓏我亦陰符滿腹中今日簾旌秋縹渺長天飛
去一征鴻

青鳥銜來雙鯉魚自緘紅淚請迴車六朝文體閒徵徧那有蕭
孌謝罪書

電笑何妨再一回忽逢玉女諫書來東王萬八千驍盡爲報投
壺乏箭材

萬一天填恨海平羽琤安穩貯雲英仙山樓閣尋常事兇率甘

遲十劫生

美人擗闔計頻仍我佩陰符亦可憑
綰就同心堅俟汝羽琤山下是西陵

身世閒商酒半醺美人胸有北山文
平交百輩悠悠口揖罷還期將相勳

金缸花燼月如煙空損秋閨一夜眠
報道妝成來送我避卿先上木蘭船

寢詞止于此

未濟終焉心縹渺百事翻從闕陷好
吟到夕陽山外山古今誰免餘情繞

漁溝道中題壁一首

欲求縹渺反幽深悔殺前番拂袖心
難學冥鴻不迴首長天飛過又遺音

漁溝道中奉寄一首

明知此浦定重過其奈尊前百感何
亦是今生未曾有滿襟清

淚渡黃河

衆興道中再奉寄一首

絕業名山幸早成更何方法遣今生從茲禮佛燒香罷整頓全神注定卿

少年雖亦薄湯武不薄秦皇與武皇設想英雄垂暮日溫柔不住住何鄉

客心今雨暝舊雨江痕早朝收暮潮新歡且問黃嬈渡袁浦地名影事休提白傅橋以上順河道中題壁二首

閱歷天花悟後身為誰出定亦前因一燈古店齋心坐不似雲

屏夢裏人順河道中再奉寄一首仍敬謝之自此不復爲此人到袁浦問訊其人已歸蘇州閉門謝客矣其出處心蹟亦有不

可測者附記于此

此身已亡在山泉涓滴無由補大用急報東方雨星使靈山吐

溜爲糧船時東河總督檄問泉源之可以濟運者吾友汪孟慈

戶部董其事銅山縣北五十里曰柳泉泉涌出滕縣

西南百里曰大泉泉懸出吾所目見也詩寄孟慈并寄徐鏡溪

工部

昭代恩光日月高烝彝十器比球刀吉金打本于行在敬拓斯

文冠所遭歸

謁

至聖廟瞻仰

純廟所頒祭器十事得拓本以

少年無福過闕里中年著書復求仕仕幸不成書幸成乃敢齋

誠告孔子

曩至兗州不至曲阜歲癸未五經大義終始論成王

論又成乃慨然曰可以如曲阜謁孔林矣今年冬乃謁林齋于

南沙河又齋于梁家店

少爲賤士抱弗宣壯爲祠曹默益堅議則不敢腰帶在廡下一

揖中夷然

兩廡巡祀儒者有拜有弗拜亦有強予一揖不可者

曩將奄宅證淹中肅肅微言警欬逢肯拓同文門畔石古心突

過漢朝松

江左吟壇百輩狂誰知闕里是詞場我從宅壁低徊聽絲竹千

秋尙繞梁

時曲阜令王君大准其弟大珩其子鶴皆工詩孔氏

則有孔繡山憲彝憲彝弟憲庚孔氏之甥鄭憲銓皆

詩人也

嘉定文風在目前記同京兆鹿鳴筵白頭相見山東路誰惜荷
衣負少年

酬山阜令王海門海門吾庚午同年也

少年奇氣稱才華登岱還浮八月槎我過東方亦無負清尊三
宿孔融家

館于孔經閣憲庚家題經閣觀海圖

子雲壯歲雕蟲感擲向洪流付太虛從此不揮閒翰墨男兒當

注壁中書

經閣投詩江中亡雲水詩瓢圖

倘已家書寄哲兄淮陰重語七年情門前報有關山客來聽西

齋夜雨聲

時經閣兄繡山方遊京師淮陰鴻爪圖繡山經閣所合亡也

家有凌雲百尺條風煙培護漸峇堯生兒只識秦碑字脆弱芝

蘭笑六朝

海門種松圖

盜詩補詩還祭詩子梅詩史何恢奇鄙人勸君割榮者努力刪

詩壯盛時

王子梅鴻祭詩圖

詩格摹唐字有稜梅花官閣夜餽冰一門鼎盛親風雅不似蒼

芒杜少陵

王秋垞大培蒼芒獨立圖

八齡夢到雙相圓今日五君來作主我欲射侯陳禮容可惜行

裝無白羽

王海門及弟秋垞嗣君子梅孔經閣鄭子斌五君饒之於雙相圖

忽向東山感歲華恍如庾嶺對橫斜敢參黃面瞿曇句此是森

森闕里花

時幾十月忽開蠟梅一枝經閣折以伴行

前車轍淺後車縮兩車勒馬讓先躍何況東陽絳灌年賈生攘

臂定禮樂

見兩車子相掉螯有感

古人用兵重福將小說家明因果狀不信古書復用之水厄淋

漓黑貂喪

或薦僕至其相不吉自言事十主皆失官予不信使

法苑珠林及明小說皆有此事記之以貽纂類書者

天意若曰汝毋北覆車南沙書卷溼汶陽風雨六幕黑申以東
平三尺雪

蒼生氣類古猶今安用冥鴻物外吟不是九州同急難尼山誰
識憮然心北行覆車者四車陷淖中者二皆賴途人以免

九邊爛熟等雕蟲遠志眞看小草同枉說健兒身手在青燈夜
雪阻山東

任邨馬首有筇筇偶落吟鞭便駐車北望觚稜南望鴈七行狂
草達京華遣一僕入都迎省屬自駐任邨縣待之

房山一角露峻嶒十二連橋夜有冰漸近城南天尺五迴燈不
敢夢觚稜兒子書來乞稍稍北乃進次于雄縣又請乃又進次于固安縣

艱危門戶要人持孝出貧家諺有之葆汝心光淳悶在皇天竺
胙總無私兒子昌範書來以四詩答之

雖然大器晚年成卓犖全憑弱冠爭多識前言畜其德莫拋心
力買才名

儉腹高譚我用憂肯肩樸學勝封侯五經爛熟家常飯莫似而
翁歎九流

圖籍移込肺腑家而翁學本段金沙丹黃字字皆珍重爲褻青
氊載一車

欲込太史窺春秋勿向有字句處求抱微言者太史氏大義顯
顯則予休

兒子昌範書來問公羊及史記疑義答以二十八字

家園黃熟半林柑拋向筠籠載兩三風雪盈裾好持贈預教詩
婢識江南

從此青山共鹿車斷無隻夢墮天涯黃梅淡冶山礬靚猶及雙
清好到家

省屢于冬至後五日出都

六義親聞鯉對時及身剛定答親慈剷除風雪關山句歸到高
堂好背詩今年七月蒙家大人垂詢文集定本命呈近詩

論詩論畫復論禪三絕門風海內傳可惜語兒谿畔路白頭無

分權歸舫

方鐵珊參軍餞之于保陽鐵珊名廷瑚石門人父薰字蘭士以詩畫名好佛君有父風年七十矣猶宦

畿南

使君談藝筆通神斗大高陽酒國春消我關山風雪怨天涯握

手盡文人

陳笠雨明府餞之于高陽笠雨名希敬海昌人進士爲令史甚熟詩古文甚富

畫禪有女定清真合配琳瑯萬軸身百里畿南風雪路我來著

手竟成春

鐵珊有女及笄笠雨喪偶使子爲襄修焉

古愁莽莽不可說化已飛仙忽奇闊江天如墨我飛還折梅不

畏蛟龍奪

十二月十九日攜女辛遊焦山歸舟大雪

惠山秀氣迎客舟七十里外心先投惠山妝成要妝鏡惠泉那

許東北流

廿二日攜女辛遊惠山

丹竇瓊花海岸旁羽琤山似峯之陽一家可惜仍煙火未問仙

人辟穀方

歲不盡五日安頓眷屬于海西羽琤之山戲示阿辛

吟罷江山氣不靈萬千種語一燈青忽然閣筆無言說重禮天

台七卷經

天下震矜定盦之詩徒以其行間璀璨吐屬瑰麗夫人讀萬卷書供驅使璀璨瑰麗何待言要之有形者也若其聲情沈烈惻怛適上如萬玉哀鳴世鮮知之抑人抱不世之奇材與不世之奇情及其爲詩情赴乎詞而聲自異要亦可言者也至於變化迅心儻忽萬匠光景在目欲捉已逝無所不有所過如掃物之至也無方而與之爲無方此其妙明在心世烏從知之鳳知之而卒不能言之嘗聞神全

者哀不能感樂不能眩風雨不能蝕晦朔不能移乃至火
不能燒水不能溺此道家言似不足以測學佛者之湮抑
古今語言所可到之境止於此定公其殆全於神者哉全
於神者哉寫己亥雜詩竟聊書簡末庚子穀雨日新安女
士程金鳳

定盦別集

仁和龔自珍璵人饌

無著詞選

菩薩蠻

文廊匝匝屏風曲輕寒惻惻侵簾箔秋思正沈吟秋陰幾許深
無言垂翠袖粉蝶窺人瘦蝶也不禁秋涼花相對愁

夢芙蓉

本意

背燈欹鳳枕見一珠秋弄水裙風鬢露華無力飛下珊珊影又
微芒不定月墜金波孤迴小立空塘怨紅衣半卸消受夜涼緊
脈脈鴛鴦暝正穩乍蓮房粉墜驚初醒香重煙輕愁絕共幽
映五更魂魄冷吟斷錦雲休訊捐佩疑寒更凌波恐溼塘外曉
風陣

卜算子

題獨立士女

拜起月初三月比眉兒慘不遣紅鐙照畫廊縹緲臨風袖庭
院似清湘人是湘靈否誰寫長天秋思圖熨得闌干透

點絳脣

日落花梢愀愀春勸何時省紗窗又暝黃月濛濛影沒箇商
量除是和愁等羅衣冷香階紅陣燕子歸期定

虞美人

紗窗暝色低迷綠猶未傳銀燭春寒瑟瑟晚來添玉釧微聞應
是換吳棉金鑪香篆愔愔墮新月窺人坐湘簾放下悄含顰
生怕梨花和月射曉痕

洞仙歌

一梳春月澹溶溶欲上鸞尾雲晴碧天掃正文窗四扇縹緲華
空晶豔豔玉女明燈一笑幾番攜手處雲誓天邊寒綠深深

帳紗悄親手采瓊芝著玉盤中添香水養花還小見說道仙家
夢都無便夢也如煙曉涼欺覺

醉太平

長吟短吟思深怨深天邊一曲瑤琴是鸞心鳳心香沈漏沈
魂尋夢尋玉階良夜悄悄有花陰月陰

清平樂

垂楊近遠玉鞦行來緩三里春風韋曲岸目斷那人庭院駐
鞭獨自思惟撩人慙亂花飛日暮春心怊悵可能綢佩同歸

太常行

一身雲影墮人間休認彩鸞看花葉寄應難又何況春痕袖斑
似他身世似他心性無恨到眉彎月子下屏山算窺見瑤池

夢還

端正好

數年華間中黯黯記不起誰恩誰怨金爐香裊畫沈沈并疊作
閒愁片月明花滿天如願也終有酒闌燈散不如被冷更香
銷獨自去思千徧

霓裳中序第一

霓裳羽衣之曲今不傳戲補之

當筵間古月誰向其閒起官闕風馬雲車歷歷見桂葆乍迎嬌
如雪遙空聞說說夜來天袂涼絕驚鴻起素衣二八舞罷老蟾
泣飄忽長風吹急竟天上人間了隔仙聲一半記得漢武秦
皇有路難覓開元慶佳節算合樂圖中應識宋苑本有楊太真合樂圖尊前
祝千秋萬歲不須有離別

長相思

仙參差佩參差數罷鸞期又鳳期彩雲西北飛簫一枝笛一枝

吹得春空月墮時月中人未歸

又

住西樓語西樓好夢如雲不自由喚人飭倦眸
憶從頭訴從頭銀漢茫茫入夜流人間無盡愁

天仙子

自貺所藏葉小鸞眉紋詩硯

天仙偶厭住瓊樓乞得人間一度游被誰傳下小銀鉤煙澹澹
月柔柔伴我熏香伴我修

瑤華

董雙成畫像

雲英嫁了弄玉歸來向翠樓瓊戶虛無萬疊試問取金闕西廂
何處容華絕代是王母前頭人數看紫衣仙佩非耶漢殿夜涼
歸去低鬟小按霓裳唱月底仙聲記否親遇霞官侍宴彈忘了
聽水聽風前度天青海碧也只合其中小住笑人閒兒女聽

明倒寫成雙名字

浪淘沙 寫夢

好夢最難留
吹過仙洲
尋思依樣到心頭
去也無蹤尋也慣
一桁紅樓
中有話綢繆
燈火簾鉤是仙是幻
是溫柔
獨自淒涼
還自遣自製離愁

如夢令

本是花宮么鳳
降作人間情種
不願住人間
分付藥鑪煙送
誰共誰共三十六天秋夢

高陽臺

嚼曲含香吹笙聘月
華年心緒惜惜情十二
重簾重重閣住春陰
花魂蝶夢飛難度
倩何人料理幽襟
問春人知否園亭
甃編流鶯生愁一點
朝雲散把青梅細數
紅豆閒吟尙怯餘寒
爭教

負了香衾凝鬢不放熏篝穩墜猩紅半幅吳綾敗湘屏多病心
情忘繫花鈴

喝火令

欲賦仙模樣空愁彩筆彫藕絲衫子鬱金翹立到水芝花上羅
襪未香消 端正當窗戶停勻彈步搖斷無幽意上眉梢只恐
凝妝只恐背人嬌只恐夢回香淚揩上枕頭綃

木蘭花慢

問人天何事最飄渺最銷沈算第一難言斷無人覺且自幽尋
香蘭一枝恁樣問香蘭何苦伴清吟消受工愁滋味天長地久
惜惜 蘭牒一九涼月墮似他心有夢訴依依香傳裊裊眉鎖
深深故人碧空有約待歸來天上理天琴

予夢中受詞一卷讀
之一人告子曰此天

琴譜

無奈游仙覺後碧雲垂到而今

菩薩蠻

行雲欲度簾嚙去。殘花恨草無重數。吟淡口脂痕。秋心自覺溫。
秋懷珠與玉。寫上羅箋薄。暮暮與朝朝。工愁要福銷。

惜分釵

金鋪曉褰幃。早嫩寒漠漠。欺人覺霧沈。香額微黃。報道寒梅也。
學晨妝。雙雙明窗掩。重簾軟。爐香自炙。紅絲硯。點銀鈎。記清
愁待把琴心寄與西洲。休休。

如夢令

紫黯紅愁無緒。日暮春歸甚處。春更不回頭。撇下一天濃絮。春
住春住。照了人家庭宇。

金明池

按拍填詞。拈簫譜字。白日銷磨無緒。春夢斷。拈天香草。試悵望。

美人何處中餘醒才要醒時卻又被豔想迷漫遮住早燕子慙
忙楊花零亂好煞年光將去料理相逢今又誤問除卻相思
怎生言語箋閒恨絲煩絮亂製密意綠愁紅妒甚天工作就傭
時有萬種忪惺十分疑佇便忤不懷人從今決絕如此情悰消
否

一翦梅

一丸微月破黃昏卷定簾痕劃定鑪痕春歸誰與試溫存春瘦
三分人瘦三分柳花桃葉鎮紛紛掩了重門閣了芳樽安排
恹恹倚羅屏紅字消魂香字招魂

青玉案

韶光不怨恩恩去祇恹恹年華誤目斷游絲情一縷斷橋流水
夕陽飛絮可是春歸路樓頭盡日還凝佇欲訴閒愁向誰訴

蕙渚花飛天又暮醒時如醉醉時如夢夢也何曾作

鶯囀序

用宋人韻

殘香半銷金獸啟朱簾瑣戶悄凝盼十里蘅皋多少心期傷暮
夢回後半雲凭闌春煙閣斷天涯樹仗鶯魂有力喚起一天濃
絮 昨日閒愁今朝暗恨似濛雲惹霧拈彩筆親製紅詞有人
隣賞心素正沈沈春深似海低徊煞年華金縷作人間病鳳呢
鷺原輸鷗鷺 臙脂含怨錦瑟生愁悵春似逆旅枉二十四番
寒暖次第催完變了慢空撲人花雨釵寒佩瘦紅軟絳病惺惺
胡蝶誰家宿况連天香草崇蘭渡予懷渺渺靈修尙隔中央只
恐棄我如土 凌波襪嫩繡綫裙鬆換吳棉白苧爲一種心情
無奈斷送韶顏顛顛而今勸君休舞渾都不管愁儂怨汝靈犀
一寸分明見更何須弄入玉琴柱紗窗日落無人獨倚黃

昏有誰省否

菩薩蠻

吳棉一幅單鴛被沈沈和霧和香睡花氣溼銀屏紅窗斜月明
玉闌干畔路曉夢無尋處夢醒轉沈吟花寒恐不禁

臨江仙

一角紅窗低嵌月矮屏山整羅紋梨花情性怕黃昏淚憐銀蠟
淺心比玉爐溫底事難鬢愁不醒冬冬蚪箭宵分起來親手
放簾痕春空涼似水西北有嬌雲

又

酒渴思茶交午夜沈煙閒撥欒梁小梅花盒教添香填詞渾已
嬾何況脫衣裳才把夢兒牢捉住無端又著思量十分情願
是同腸欲拋拋不得欹枕數鴛鴦

浣溪沙

香霧無情作薄寒，銀鐙吹處氣如蘭。凭肩人愛夜闌珊。花語
綠窗涼月聽雲歎，文枕畫鸞看釧聲微。憂夢兒難。

又

鳳脰鐙香篆寒，尋思脈脈未成眠。軟鬟沈坐慣犀鈿。一幃
梅花紅似酒，半庭春月暖於煙。紅闌干外夜闌珊。

夢行雲

曉幃怯春冷，重簾下眼未醒。休翻翠被恐教人驚。省一枝豔豔
文窗外，梨花涼弄影。唾華襟上，淚紅枕上，悲歡事畱淺印嬌
柔。無語倩人探心性，十分打疊情懷起，怕花愁月病。

洞仙歌

輕寒漠漠，又杏花天氣。卸了吳棉薄。紈膩把花魂細綰，月夢低

敲閒諸得十疊新詞堪記 番番圓豔約春事迷人絮影風光
太消碎小病不勝春嫩想穠愁拚畧受情多風味又銀燭傳來
勸箋愁看比玉能紅比簫能脆

導引曲

無情緒無情緒寂莫掩重門銀蠟心多才有淚寶香字斷更無
痕梨花浸黃昏

又

空相憶空相憶庭院四更天恹恹綠梅花下路半襟斜月不知
寒鳳屢過闌干

玉聯環影

朧月魂傍花陰立紅淚畱痕一片花枝溼袖兒寒佩兒寒依舊
五更風急夢吹殘

南歌子

香霧漫空溼珠簾
翠地橫雲圍月擁
見卿卿受盡輕憐痛
惜不分明
紅淚彈前恨
心香警舊盟
瑤華密帳絮三生
悵悵五更風急斷魂驚

桂殿秋

六月九日夜夢至一區雲廊木秀水殿荷香風

外溫非氣之空濛都爲一碧散清景而離合不知幾重一人告予此光明殿也醒而憶之爲賦兩解

明月外淨紅塵蓬萊幽宮四無隣
九霄一派銀河水流過紅牆
不見人

驚覺後月華濃
天風已度五更鐘
此生欲問光明殿
知隔朱局幾萬重

憶瑤姬

唳鶴吟鸞悄
千門萬戶夜靜塵寰
玉京宮殿杳悵
九霄仙佩不

下雲耕今生小謫知自何年消盡煉瓊顏料素娥今夕無人開
裙袂生寒 定萬古長對晶盤歛莊嚴寶相獨坐嬋媛幽裏知
有恨恨玉笙吹徹徹骨難眠雙成問訊青女凭肩瑤華筵宴罷
長風起吹墮離愁到世間

夢玉人引

三簫吹瓊闌月暖錦雲飛十丈銀河挽來注向靈扉月殿霞窗
動春空仙籟參差報道雙成乍褰了羅幃 陡然聞得青鳳下
西池奏記簾前佩環聽處依稀不是人間話何緣世上知夢回
處摘春星滿把疊疊

意難忘

涼月珊珊伴蘭心玉性試語還難秋花分小影秀句寫冰紈眉
意淺佩聲殘有珍重千般畧逗伊隱花裙上竹葉斑斑 知音

何苦瞞瞞者溫存隱秀慧思華年明明通爾汝瑟瑟數悲歡攜
手際試顰間是意暖神寒玉漏沈芙蓉睡也重靠闌干

醜奴兒令

鸞箋偷寫伊名字琴語依稀箏語依稀花影無媒忽進幃蘭
因絮果從頭問吟也淒迷指也淒迷夢向樓心燈火歸

鳳棲梧

誰邊庭院誰邊宅往事誰邊空際層層疊坐暖一方屏底月背
人蠟影幢幢滅萬種溫磨何用覓枕上逃禪遣卻心頭憶禪
戰愁心無氣力自家料理回腸直

右無著詞一卷始名紅禪詞凡九十二闕壬午春選錄
四十五首癸未夏付刊